



ԲԱՐՁՐԱԳՈՒՅՆ ԴԱՏԱԿԱՆ ԽՈՐՀՐԴԻ ՆԱԽԱԳԱՀ

0009 ք.Երևան, Կոռյուն 17

«15» սեպտեմբերի 2022թ.

Հ Ա Յ Տ Ա Ր Ա Ր ՈՒ Թ Յ ՈՒ Ն

**Ժորա Արմենի Չիչոյանին Երևան քաղաքի առաջին ատյանի ընդհանուր
իրավասության դատարանի դատավորի պաշտոնում նշանակելու վերաբերյալ
Հանրապետության նախագահի հրամանագիրն իրավունքի ուժով ուժի մեջ մտնելու
վերաբերյալ**

«Հայաստանի Հանրապետության դատական օրենսգիրք» սահմանադրական օրենքի
«Դատավորի նշանակման կարգը» վերտառությամբ 117-րդ հոդվածի համաձայն՝

1. Թեկնածուի համաձայնության դեպքում Բարձրագույն դատական խորհուրդը նրա
թեկնածությունն առաջարկում է Հանրապետության նախագահին՝ ներկայացնելով նաև
նրա անձնական գործը, թեկնածուի՝ դատավոր չլինելու դեպքում նրա կողմից
ներկայացված և դրանց ստուգման արդյունքով ձեռք բերված փաստաթղթերը:

2. Առաջարկությունն ստանալու պահից եռօրյա ժամկետում Հանրապետության
նախագահն ընդունում է ներկայացված թեկնածուին նշանակելու վերաբերյալ
հրամանագիր կամ առաջարկությունն առարկություններով վերադարձնում է
Բարձրագույն դատական խորհուրդ:

3. Հանրապետության նախագահի կողմից Բարձրագույն դատական խորհրդի
առաջարկությունն առարկություններով վերադարձվելու դեպքում Բարձրագույն
դատական խորհուրդը պարտավոր է նիստ հրավիրել:

4. Բարձրագույն դատական խորհուրդը Հանրապետության նախագահի
առարկությունը չընդունելու հարցը քննարկում և որոշում է կայացնում խորհրդակցական
սենյակում՝ բաց քվեարկությամբ: Եթե Բարձրագույն դատական խորհուրդը չի ընդունում
Հանրապետության նախագահի առարկությունը, ապա Հանրապետության նախագահը
եռօրյա ժամկետում ընդունում է ներկայացված թեկնածուին նշանակելու վերաբերյալ
հրամանագիր կամ դիմում է Սահմանադրական դատարան:

5. Եթե Սահմանադրական դատարանը որոշում է, որ առաջարկությունը
համապատասխանում է Սահմանադրությանը, ապա Հանրապետության նախագահը
եռօրյա ժամկետում հրամանագիր է ընդունում ներկայացված թեկնածուին նշանակելու
վերաբերյալ:

6. Եթե Հանրապետության նախագահը եռօրյա ժամկետում չի կատարում սույն
հոդվածի 2-րդ, 4-րդ կամ 5-րդ մասերում նշված գործողությունները, ապա
համապատասխան թեկնածուին նշանակելու վերաբերյալ Հանրապետության նախագահի
հրամանագիրն ուժի մեջ է մտնում իրավունքի ուժով, ինչի մասին Բարձրագույն
դատական խորհրդի նախագահը եռօրյա ժամկետում հրապարակում է հայտարարություն
դատական իշխանության պաշտոնական կայքում:

Բարձրագույն դատական խորհրդի նախագահի պաշտոնակատարի 2022 թվականի սեպտեմբերի 2-ի թիվ ԲԴԽ-1Ե-7257 գրությամբ Հանրապետության նախագահի քննարկմանն է ներկայացվել Բարձրագույն դատական խորհրդի 2022 թվականի սեպտեմբերի 1-ի «Երևան քաղաքի առաջին ատյանի ընդհանուր իրավասության դատարանի դատավոր նշանակելու համար Ժորա Չիչոյանի թեկնածությունն առաջարկելու վերաբերյալ» թիվ ԲԴԽ-83-Ո-275 որոշումը:

Հանրապետության նախագահի 2022 թվականի սեպտեմբերի 7-ի գրությամբ Բարձրագույն դատական խորհրդին են ներկայացվել Բարձրագույն դատական խորհրդի 2022 թվականի սեպտեմբերի 1-ի թիվ ԲԴԽ-83-Ո-275 որոշման վերաբերյալ առարկություններ, որոնք քննարկվել են Բարձրագույն դատական խորհրդի 2022 թվականի սեպտեմբերի 8-ին հրավիրված նիստում և չեն ընդունվել:

Բարձրագույն դատական խորհրդի նախագահի պաշտոնակատարի 2022 թվականի սեպտեմբերի 9-ի թիվ ԲԴԽ-1Ե-7431 գրությամբ կրկին Հանրապետության նախագահի քննարկման է ներկայացվել Բարձրագույն դատական խորհրդի 2022 թվականի սեպտեմբերի 1-ի «Երևան քաղաքի առաջին ատյանի ընդհանուր իրավասության դատարանի դատավոր նշանակելու համար Ժորա Չիչոյանի թեկնածությունն առաջարկելու վերաբերյալ» թիվ ԲԴԽ-83-Ո-275 որոշումը:

Նկատի ունենալով այն հանգամանքը, որ «Հայաստանի Հանրապետության դատական օրենսգիրք» սահմանադրական օրենքի 117-րդ հոդվածի 4-րդ մասով սահմանված ժամկետում Հանրապետության նախագահի կողմից Ժորա Արմենի Չիչոյանին Երևան քաղաքի առաջին ատյանի ընդհանուր իրավասության դատարանի դատավոր նշանակելու վերաբերյալ հրամանագիր չի ընդունվել և համապատասխան դիմում չի ներկայացվել Սահմանադրական դատարան, Բարձրագույն դատական խորհրդի 2022 թվականի սեպտեմբերի 15-ին կայացած նիստի արդյունքների ամփոփմամբ՝ **հայտարարվում է, որ Ժորա Արմենի Չիչոյանին Երևան քաղաքի առաջին ատյանի ընդհանուր իրավասության դատարանի դատավորի պաշտոնում նշանակելու վերաբերյալ Հանրապետության նախագահի հրամանագիրն իրավունքի ուժով ուժի մեջ է մտել 2022 թվականի սեպտեմբերի 15-ին:**

ՊԱՇՏՈՆԱԿԱՏԱՐ՝



Ս. ՉԻՉՈՅԱՆ